

ZRZESZ KASZEBSKO

CZĄDNIJIK
KASZEBSKJICH ZAJMOV



V JIMJĘ BOSKJI
NORODNI VZENJIK

Vědovajaci i redaktor wodpovjedzalni
IGNACY SZUTENBERG — GDYNIA
ul. Świętojańska 16.

„Zrzesz Kaszëbskô” vëchodô 1 roz v mje-
saci. Przedpłatnô je rocznje 3.50 zł;
kwartalnje 0.90 zł. Czqdk 30 gr.

NR 2

KARTUZE GROMJICZNIJIK 1937

ROK V

PAMJĘC ZAGJINA WO NASZECH PRZODKACH

Kaszëbskô zemja taci v svojim klinje apartno vjele pamjatkov z prastarech czasov. Pozomkovjiszcza i kamjanni krëggi, cerpjiska i grobovjiszcza vszelakjigo ôrtu i szlachu dovajã vjedę wo njevszedni kultury a belnoce naszech prawojcov.

Le moze chtos rzecze, że np. kultura kamjannech grobov (skrzenjovech) nji mô se njick vespole z przodkami dziseszech Kaszebov, vjemë bo, jize słovjańskji lede njele przëvanožec do Elbë i Bôltu nopjervij v szostim czë v sedmim stalatim po n. Chr. Zeli jidze wo naszech przodkov, to są njimi Velecë, a ti bëtovelë hevo na tech zemjach jesz za nech czôs, kjede wo Njemcach nad Bôltę jesz nje belo njizodni zmjonkji. Velecë — to sarmackji (praslovjańskji) lud, krevni tech Słowjanov, co to belno pozdnij przëvanoželë nad Vjislę i Vartę i nadelë naszim przodkom zëvjiszce *Pomorzanov*. Wu tech Veletoz goscetvjilë chterens czas Gotovje, Gepidzë, Longobardzë — le jakji to vsebot krëvji i movë jich parłeczë v nenczas z naszima przodkami, trudno së vmaklac. Gvesnim le je to, że Velecë na podobë jinszech ledov nad Bôltę (Prësov, Žmudov, Letesov, Skandinavov) mjelë do se *znicovac cała svojich bojatrov a jejich popjole chovac v gronkach*. Na tim pospodlim przënolegô nama takze kulturę kamjannech grobov wuvažac za cos svojigo, a popjole v gronkach — za proche naszech przodkov.

Njigle lemiž kaszëbskjigo plega poczał së jimac wugorov i lasovech wubrzegov, spokojno so ležalë proche przodkov v kamjannech grobach. Le wod kjiledzesat ju lat czejemë vnetka bezwustonku wo njiszczënju prastarech grobov. Smutnô to provda, że njejedni gbur, kjej zadzeje plegiem wo kamjanni grob, dlo ti kask pachëcenë co mu tam wurosce, grob zrejneje a kamjenje zabjerze, abe je przedac czë tež zbrekovac przë domocim. Dzež to së podza poczestnosć starszech, co przënolegô takze tim pro-

chom v tech gronkach! Rozvalac bo grobe przodkov a przedavac jejich trëme — to barbarziństwo! Njima provdac dzevotë njevjednimu gburovji, ale dzevota nama, co tczę przodkov na woku momë, jizesmë naszim nabocim na lud do tech czos njiek v ti deji nje zrobjilë.

Dejô zachovanjô gronkov, co le decht v krajo-
vesh pravach mô svoje vesprzë, nje je jistim ti deji, co ze serca vzenjikô i do serca trofjô.

Zachovanjé gronkov przez vëvožanjé jich do muzeov i zbornjiskov dlo vjadovech celov, to rzecz dobrô, bo konjecznô. Ale želi jidze wo huremnë vëvožanjé i to le decht v tim celu, abe so statkovelë bogatim zbornjiskjem tam kędes zdôla wod kaszëbskjij zemji — to nji mozemë te anji chvalec, anji tež dleżij damjenjim zledac; vëvjožã bô kureszce wostatni gronk, a zemja nasza bądze pustô i szëtnô ze vszetkijch teôrtnech pamjatkov.

Njiszczenjé prochov je profanacejã tech przodkov i vjidnim znakjem, że zamarla desza norodu, co mja bëc jim starznjijkjem. Zabëto, jize ve tczë pozdnjeszech bëc mjelë. Co wostało: mova, zvek, vjara, to nje je vszetko! Jak nje zaboczimë wo naszech vjelgjich przodkach, co historejô nom prze-koza, to nje zagjinje pamjéc v naszim mlodszym pokolenju wo nas.

Bodejże dëždac tech czasov, kjej przindze do vszëdnigo wuvožanjô przodkov przez całi norod. *Alk*

Barnjim

2]

Woleva

Przenjesmë së v sledni czase XII v., kjej v naj nadmorskijch zemjach zaczinaje së grunťovac Vanneljô. Jednigo razu Subislôv, pogańskji księzec na Gduńsku, jedze na jachtę v vjolgji kole Gduńska lase. Zapoloni jachtã wodjachoł za dalek wod

wod resztë jachtarzi i tam go napodô gromjisti dżena, chtëri go renji. Podarmo wołô jachtarskijm roge drechov. Kureszce przëchodô mu z pomocą pustelnik — chrzescijon, chtëren v wokolnych mjeszkol lasach. Nen v miono Christusa zaprowadzel go do svoji pustelni, gdzie mu dól pierszą pomoc. Zmęczoni księż wusnął. I v tim spiuku snijje mu sę, że je v snieżnym wogrodze, v chtërim przechodô sę v snjegovech, bjolech ruchnach cedni anioł z wolivną vjetevką v ręce. Anioł podchodô do nje i wskazuje mu na bezrozemną tczę bożkov, radzi księcovji do prôvdzevigo sę zvrocec Boga, chtëren po smjercë d je szczen levosc vjeczna. V njim sę budzi. Nad sobą vjidzi zakłopotaną skarn pustelnjika, z krziżę v ręce. Nen jednako nje brekuje go ju navrocat. Snjik beł tak przejmujący, że księżec som prosi wo przëgotowanję i chrzest. Na vspomjink tego dzivnego zdarzenjô wumesleł na njim molu postavjic klosztor, z chtërigo vjara svjëtô mja sę na jego rozchadac zemje. Telno nom wopovjodô przepjknô legenda. Pevnim je, że następcą Subisłôva Sambor I kole 1176 r. — jak vspominają klosztorne kronjikji — sprovedzel dotądka cesterskijch klosztornjikov z Kolbacza, z zapodnji Pomorskji. Nové posadlovjé nad stregą Strzeżą nazvelë klosztornjice „ad montem olivarum, z czego pozdnij Woleva. Klosztor wolevskji, v chtërnim wod samigo poczatku beł 13 klosztornjikov z wopatę, rozmajiti przechodol dzeje, to vjelgoscë, to wupodku.

V 1224 r. napadlë na nj n jak i na żekovskji klosztor pogonji Prësovje, mordejace vsze ernoszczach klosztornjikov, bo njenavistni mu belë, jize z Wolevë i Żukova szła mi ejô na navrocanjë jech, czego Prësovje nje chcelë.

V 1234 v zemje znovuszka Prësovje v vëpravje na Gduńsk napadlë Wolevę i vjele klosztornjikov vëmordovelë. Wod 1242—1247 vedle klosztornech kronjik napodają kjile razi wolevskji klosztor Krzëżoce v vojnje z Svjätopenkę Belnim. V 1252 Svjätopenk Belni broní sę navet v klosztorze procemku Krzëżokom. V 1433 napodają Wolevę Husece, a v 1577 klosztor spoletë zletrzałi Gduńszczanje, zaco pozdnij muszelë zapłacec 22000 talarov, za chtëri to pjenjędze klosztornjice wodbudovelë wolevskji svjôj klosztor. Z nech czasov pochodô klosztorni koscoł, dzis katedra gduńskjigo biskupa.

Takji są krotechni dzeje nigo svjëtigo dlo Kaszebskji mola, chtërimu blezij chcemë sę przëzdrzec.

Vchodajace do benë, stovô człovjek na pargu woslupjali gromotą tumu. Vożni, trzënavovi gotil, łęgjimi linjami pñaci v sigajacą kjejbe njeba vızavę, poprzecinaną v skupjoni posovje wostrimi gotickjimi łękami, bjije dzivną kornoscą a navetk svojoscą bjelonoch leno scanov. Długô, na bez sto metrov, głovnô nava, kuńczy sę cednim, z czornigo marmuru

stolmjastim vołtorzę, peszno sę wodbijajęcim na spodlë bjeletnińskijch murów.

Po wobuch stronach snożigo voł'orza, na scanach są rozvjeszoni portrete nech, co nen klosz'or založelë, czë vspomogelë. Strona vanjelji je posvjiconô vspomjinku najech ksiżetov, Kjejbe ževimi woczama pozerają z portretov chłopskji vjelgoscë, postaceje dostojnych ksiżet. O pesznach bojarzczach

Vastvu Drovi Aleksandrovji Majkowskiemu
i Vasice Franiji Majkowskiej v strace Svi Matkji
szczeri vspolczëcë skłodô

redakcejô
i czeťniŋce »Zrzesze Kaszebskji

wobleczenkach, v sobolovech płuszczach z cëhą monarszi godnoscë i vożnoscë na skarnjach zmuszają prosto, że z kornoscą a navetk drëženjim pozerô człovjek na podobizne nech, chtërih proche v koscelnych sklepach njiżij wobrazov leżają... Z głëboką tczą i dżeką pódô tu człovjek na kolana przed prochami tech, chtërni przed vjekama rzadzëlë tą zemją, chtërni ji belë dobrimi panama, chtërni tą Wolevę, te svjëti place tu zbudovelë, do chtërnech pozdnij vjedno tesknjilë i z novjkszą tczą wo nji vspominelë. Historejô, bo hevo, njerôz vspomjinô, jak ksiżëta naszi wo Wolevje vspominają, że „môł to spoczinku wojcov najech, v chtërnim i më chcemë bëc pochovanë“.

p. v.



V žalobje

Zmarła sp. Jozefina Majkowska, Matka v. dra med. Aleksandra Majkowskiego v Kartuzach.

Sp. Jozefina Majkowska z Baskov, wur. 10 8 1858 r. v Łubjanje, pov. koscers'jigo, chdze Starszi wod vjele ju lat posodelë majëtnosc. V młodim vjeku vëchodzi do Koscerznë za rolnjika Jana Majkowskiego, pochodzácigo zez Zdunovjic, pov. karteskjigo (wur. 27 12 1844 r.). Wosta vdovą v 62 r. svigo žëcë. Do tego czasu mjeszkô v Koscerznje, przez pevien czas v Dobrzëvjinje, a na wostatku v Kartuzach. Wumarła 26 stecznjika t. r. wo godz. 12. Przëczeną smjercë sp. Majkowskiej belä gripa, chtërni sę nabavja przed kjile dnjami, vëchodzac z mjeszkanjô przë vjolgjim mrozu. V dzeñ przed smjercą przëjëła wostatni Sakramenta svj. Pogrzeb wodbel sę 30 stecznjika,

BOJKJI KASZEBSKJI

Wo dobrim svjodku*

Beł to roz jeden młodi parobk, co na vanogę szed.

Kjedes spragli beł i głodni, tak przėszed do jedni karczmě i proseł karczmorza, żebe mu mędel jajov wugotovoł. Nen karczmorz też te jaja wugotovoł, a młodi człovjek je zjod. Jak won chcoł za nje zapłacec, tej karczmorz rzek:

— Co jô tam mom vząc za nen mędel jôj! To sę nje woplaci, jaż vjęci stracisz! Jô anji nje chcę tech dwuch trojokov, co te jaja be kosztov lę, pjisac do ksążkji na dochod. Ale chitri karczmorz dulczelle na swoje.

Jak nje, tak nje; tak nen młodi człovjek nje zapłaceł i szed dalij.

Vězsed jeden rok i dva, wożenjeł sę i mjoł gburstvo peszni, a wo nje zapłaconech jajach zaboczeł. Ale jak dva lata vészlę, tej nen karczmorz go skarżoł i zażadoł zapłatę, njeteli za jaja, ale i za kurczęta i kurczęta wod kurcząt, cobe v tech dwuch latach z nego mędla jôj belę sę wuleglę. A belo to vjolgô sema. Kkej przėszed termjiń — v sądze stracoł, bo nji mjoł żodnigo svjodka, a sądzovje przēznelę provdę karczmorzovji.

Parobk na tim nje beł spokojni, le proseł, żebe novi termjiń vėznaczeł, cobe mog so sprovadzec svjodka.

Czas sę zlecoł, a won njiżodnigo svjodka nji mog dostac. A kkej ju le jeden dzień beł do termjinu, tej sę zajisceł, szed do lasa i płakoł. Vnet ale kol njego nalož sę jakjis młodi człovjek i sę go pitoł:

— Czemu tē płaczesz?

— Jak jô nji mom płakac, kkej vjitro mom termjiń a nji mogę żodnigo svjodka nalezc. A bez tego jô znovu przegraję!

I jisceł sę młodimu człovjekovji i wopovjodoł mu vszetko, jak no beło.

Jak ju vszetko wuvożnje vėsłochoł, jał go pocieszac i rzek:

— Nje bęjle sę! Bjej vjitro na termjiń, a jô cę posłę mojigo wojca za svjodka, kkej go chcesz podae.

Chętno przęstoł; człovjek v pravje szed do dom, a nen młodi też precz.

Na dregji dzień szed won na termjiń, czekavi, czē też nen svjodk przīdze. Vszesce sądzovje sę zebrelę i chcelę spravę sądec, ale svjodka nje beło. Tak woni mu rzeklę:

— Zle stoi z tvoją spravą, bo ten karczmorz

vęgraje, bo koźdi vje, że z tego mędla jôj moglę sę kure lęgnac i znovu mjec kurczęta!

Ale jak woni ju chcelę go wobsadzec, tej vpôd do sądovi jizbē stari chłop, tak zgrzoni, że na njim szum stojoł i vołoł;

— Jô będę svjodkjem temu człovjekovji!

Ale nostarszi sędza rzek:

— Tē przēszedes pjęc minut zapozdze!

— To njick nje szkodzi — wodrzek stari chłop — bo jô mjoł vjelgą robotę. Jô wugotovoł dziso ju trzēdzesce korci grochu i go rozsoł.

— Takji stori a takji głupji! — wodrzek sędza. — Jak tē mog to robjie, kkej koźdi vje, że z wugotovanigo grochu nji może njic wurosc.

— Kkej tak — wodrzek dżod — to i z gotovanech jôj nji mogą sę kure lęgnac!

Tero sę vszetkijm sędzom vjidno v głovje zobjelo i wobsadzeł karczmorza, a nen młodi człovjek vęgroł pravo.

To je krotkô bojka, ale to je provda!

Jan Trépczik

Ju rozdergô vjater...

Ju rozdergô vjater, ju po grzepach dmje,
Ju szuńceją na dole vale.

A blone czornavi jaż do zemji gnje;
Svjat v komudze kanał ju cali.

Ju bugreją zdôla grzēmote po rznije
A lase ju szamotę grale:

Jem sadnął na zberku ě na morze zdrzoł,
Dze vjcher ju morze ve vładę svą bról.

I sedzoł jem zdrzacę na chaęc, grzēmot,
Na morze, co na zberk nalinô,

Jaż procemku krzēkvē, wod vodē mje szed
Krzēk straszni, co serce przerzinô.

Przē pjorenov vjidze, jô dostrzegom vnet
Że czołun so z vałą przegjinô —

Ju zgjinął nen czołun — ju rēbok na dnje —
Grzēmote vcig bugreją — vjater vcig dmje.

CZĄD KNJEZOV VZENJICZNO-POMORSKJICH

Ruja - samojistnô

Rac	1120—1140
Teclov	1140—1168
Jaromar I	1168—1218
Vislôv I	1218—1241
Jaromar II	1241—1282
Vislôv III	1282—1303
Vislôv IV	1303—1325
Sambor	1303

do knjazestva pomorskjigo — Volgast.

* »Gryf« I 234

Żecé Kaszebov przed dwuma stalati

WĄTK DO MONOGRAFII MIROCHOVA

II

Mirochowo je wod njepamjécē sedłovjim dekanatu, ale koscoła v nenczas ve vsě nje było. Za krzeżackich czasov mjoł bodej stojec parafijalni koscoł na molu dziseszigo nadleseństwa. Skazoni wod grzēmotovigo wuderzenjō nje doždōł sę wodbudaceji, le z rejnōv jego vřstavilē novi koscoł na grzipce vřzij smętorza po levi stronje mjechuckji drogji. Tento koscołk stojał tam przez kjile stalati, jaż społē sę njevjedzec z jakji prziczenē razē z plebanjiā i vjelgā szeperejā, co stoja naproczem, przed rokjem 1750. Z koscoła anji z plebanjii nje dało sę njick wuretac, społelo sę vszetko, także starodovni a k t a i d o k u m e n t a. Wod te czasu vjes nji mja koscoła, le decht malinkā kapleczkę, co jesz podziszeń stoi. Ledze v nenczas chodzelē do koscoła przez kjile lat do Strzepcza, pozdze do Svjonova.

Malinkō kaplecčka, co stoi przē dvrze, je ju kole 600 lat storō. Je to jedinō ve vsě dzejovō pamjātka po Krzeżokach, provdac zreperovonō i wodnovjonō przed kjiledzesāt latam. Som le bodej komtur z bracā vchodoł do nji na nabożeństwa a njikomū z ledu nje było vulno do nji veńc anji navetka zazdrzec. Pjēknō legenda parłeczi tē kapleczkę ze svjonovskijm koscołem, vedle chterni cedovnō figura svjonovskji Madonnē mō bodej pochodzec z ti kapleczkji.

Szkołē przed dwuma stalati jesz nje było ve vř. Njevjele bo starosta Przebenda-Przebendovskji vo to dboł. Dopjerze starosta Boszkji (Boszki) mjoł sę za wuczebnā zajmā vjeskji go lelu i za jego to prziczenā sę wudało zastarovjic vjeskā szkołę v roku 1817. Pjerszim szkolnim był dvorskji szeper Dampc. Ve vsě było jednak vjedno kjile pjiemnych ledzi, bela bo leżnosc vřwuczenjō sę abecadła wod staroscińskji pjiarza. Do pjiemnych ledzi noleżało zazveczej kjile dvornjikov, a colemō znelē sę na pjišanu szoltes i pasterz gminni. Ale z gburōv le decht tam sam mog sę chtos podpjs c, a ze szarvarkovech vjerē že njicht. Ale v ten mol czetac v koscelnych ksāżkach moglē bezmała vszetce.

Poczta v nenczas jesz chodzela na ředovskich nogach. Regularno co dvje njedzele prřchodoł řid z Koscerznē z pocztovā bordā na plecach, złozeł ję wu starostē i so szed do karczmarza ředa na vřpoczink. Le po kjile dnjach zabroł pocztę staroscińskā na plece i so vřdrovoł pod Koscerznę. Beło to jesz przed rokjem 1772, bo pozdze prřježdzoł do Mirochova pocztijon, jakże był tu wurząd pocztovi (Postamt).

Nade vsā skrzepja szebnjica, co stoja wod njepamjécē na grzepje vřzij plotov, sprzeti lęborskji bromē na molu, dze roz kjedes sztoporczeła wogromnō vjeżeca ksidszovskji go zomku. Mol ten znan-kuje dzis gromadka danov. Ta szebnjica mjała se vjedovac jaż z krzeżackich czasov i vjile bodej zbojcov i rabuszniikov na nji zavjisło, le v czādze wostatnych stalati njikomū žecō nje wodebra, jiže to noleżało ju v nenczas do koscerskji go kata. Przed circa sto latami bela wona rozebronō i przedonō, njoł ję bodej kupjic gvesni gbur wod Reskova i ję zbrekovoł do budovnji stodołē.

Ta apārtnō pamjātka mō tam jesz dzis stojec v postaceji nōrtovigo řłupa. Szkoda, že nje je mōżno doznac zevjiska tego gburu.

Herbe kaszebsko-pomorskich knjazestvov

II

Dajemē dalszi vātk vo Herbach Antonji go Małeckji go »Studia heraldyczne«, vo czēm dodac zabelesmē v zesřlim czādku. Red.

Przegłādjācē pjeczice knjezov vzenjiczno-pomorskich, do te duńdzemē, že Grif nje był godłem ti dinasteji. Wukazivō sę leno na pjeczicē knjeza Sambora II (1220—1276). Je to pjeczic z lat 1251—76 v szolce tarczē vo trzech kātach — na nji Grif v pravā stronę zvarconi. Knjazestvo to przesřło pod cezenę, nji majācē řistno řodnigo svigo staligo zaku. Po vřcēm tak zvonech Presov Krolevskich przez Kaz. Jagiellonczeka njořła zemjō pomorskō, chełmińskō, mjichałovskō v herbje worzła czornigo z korenā na szej i v ręce trzēmajācā mjecz, vřchodājēcō z jego pravigo skrzydła na bjołim polu (Długosz Opera I 561).

Kjej voj, pomorskji prřē ęło za svōj herb Grifa czervonigo (vedle řinszech czornigo) v bjołim polu, njic njima gvesnigo, Grif ten był czervoni v bjołim — i takjim go wukazivō Bartosz Paprockji v »Herby rycerstva polskiego« (1584). Trzēba dodac, jiže i Zemjō Bełskō (wod czasov Długosza) dosta Grifa bjołigo v czervonim polu.

Jakjich godeł wuřivō czād kaszebskji na řlāvnje abo Kolbackji nje vjemē — bo nje zachovała sę njįżonō pjeczic. Z knjezov na Ruji pjierszi wuřel Grifa Viřlōv II (1270—1300) v pravā stronę zvarconigo, nad njim gvjozda. Pjeczic ta pochodō z 1288.

Lelevel v svoji Geogragji wukazivō Grifa knjezov vzanjiczno-pom. bjołigo na polu modravim; Kaszebskji (řlāvno) vedle njego bęc mjoł czorni na polu modravim.

B. S.

Wo znjicovanjim njeboszczekov

Stari Jozef Komkovskji z Mirochovskjich pustk, nen som, co mje povjodoł wo grzepje Płaczëboga („Zrzesz“ R. IV Nr 1) v godce ze mną vërzek słovo „znjicovac“.

Pocignął jem go za jëzek a dovjedzoł jem sę hevo takji vątk zez prastarech czasov:

— Pjervij, jesz za Boga Wojca, kjej Kaszebji jesz vjerę nje znelë vjarë svjėti, tej wonji nje cho-velë njeboszczekov tak jak dzis, le jich znjicovelë. Hevo na ti grzepje (Płaczëboga) naprocm buvrna Czerniboga zrobilë so *znjitev* ze sechech vjetvjov i zeligo, a tej znjicovelë njeboszczeka na popjoł. Ten popjoł vzełë v gark i go zanjoslë na cerpjisko, vej hene tam — stroną Jigrzëczni’.

Njick vjicij jem sę nji mog wod nje dovjedzec v ti spravje, choba le telu, że vszetko, co mje povjodoł, vje wod svojich starszech i starech ledzi.

Słowjanskô v Njemcach

Coroz vjęcij v Polsce movi sę wo Serbach na Łuzecach, wostatkach Słowjan nad gorną Szprewą, przepływającą przez Berlin, Serbov wopjiseje z vję-
gijim wuvożanijm J. Vacyn v „I. K. C.“ v dodovku „Kurier Literacko-Naukowy“ (Nr 3 tr.) pod zevj. „Niezdobyty jest łużycki kraj“. Autor podnoszô vörtosc ducha Łuzeczan — choçi v morzu njem-
czeznë, jednak sę wostelë przez teli stalati i nje wupedlë v noro lnim bëtovanju. Skurczô sę jich krôj. Wod Polskji Łużece dzeli pas 90 km szerokji. V zagarżonim bëcim Serbov Polsko, jak moze, vspjerô jich ducha.

Mova Serbov noleži do vzanjicznigo cządu słovjańskjich jëzekov, do chternej sę rechuje: jëzek czeskji, słovackji, łužeckji, kaszebskji, polskji i nje-
žejáci ju dziso jëzek połabskji. Serbovje łužeckji ve vsebotni worganizaciji są sparłëczoni dobrze, nji jak Kaszebji, co mało jesz do te mają vseczëcë i v kulturze svoji dobrze sę znają.

Ceszec moze nas budzenjé przez „ilustrowany Kurier Codzienny“ poczetnosce dlo Serbov v Njemcach, czemuž jednak, kjej chodzi wo Kaszebov, dopuszczô do napodanjé v njegodni ort na nas? — Cze dlote, że valczącë pod cezińcem wo Polskę jesmë teru ju v nji?

Chto szkodzi Kaszebom — szkodzi Polsce

Vjichli sę znovu na nas krakovskji gazetnjictvo, bo „Zrzesz Kaszebskô“ stoi na starze Kaszebov, chternej chcelebe njejedni zrobic — vołami, ale vprzode wogłëpjic. Nje nauczelë sę njic mądrzi-

szigo, jakno teru samimu szczvac procem napotka-
nim; przykład pevno vzełë wod cezińca, kjej belë v njevolë. Vesvjodczają nama z jedni stronë dobrą rzecz: czim barzij njerozsądnje napodają, tim mocnij i lepiij wodgrodzimë sę wod tego ôrtu ledzi.

„Tempo Dnia“ — krevnosc „IKC.“ z 6 i 7 z. m. robji przemovkę wo to, że v. Aleksander Labuda „dobrze sę mō na polskjim chlebye“ (?). Je rzeczą znaną, że v. Labuda posadë žodni nji mō, a vedo-
vającim naszigo cządnjika ju nje je. Choç v. La-
bu la redakceją wopuszczelë, to jednak nje zaboczimë co nolepszigo dlo Kaszebskji zrobjoł, cerpjáci przë-
tim bjedë i ponjevjerkę. V argumentaceji tego ga-
zetnjictva vjidzimë v m o v j a n ë v svich czetińcov
rzeczi, chternej wudovodnjic nje potrafją. Potrafją
jednak hanj:bnje zmeslac wo jakjims separatezmje
państvovim i na tim meslą so wukormjic.

Chto chce rozmjecac na Pomorzim zamęt i Ka-
szebov woslabjic przez senjë njezgodë, njech sobje
noprzod zvaži, że naszimu sąsadowji za mjedzą
pomogô!

To są szkodnjice spravë Polskji na Pomo-
rzim, a tim samim i spravë Kaszebskji.

Nji możemë ledac mjedze sobą tech, co v nas
meszłą ceskac pjoskjem, a Kaszebską swoją robotą
spjichac do grobu.

Njima Pomorza bez Kaszebov

„Dziennik Bydgoski“ v numrze 16 z 21 z. m.
v art. pod zevjiszczem „Ostatni Mohikanin“, pod-
pisanim przez „Pomorzanina“, podaje kjile wuvog
wo sp. T. Zegarskijm, wo chternim „Zrzesz Kaszeb-
skô“ v z. n-rze poda krotkji vspomjink. Wuvogji
autora są przekonejáci i wskazeją na dobrą orjen-
taceję v spravach pomorskjich.

Noležáci do czennej Pomorzanov Zegarskji
mjoł ten błąd, że v svojich planach mjijoł Kasze-
bov, chterni będą podnoszelë vörtosc domocznë
i historeczni. V ti wudbje beł zmuszoni jednak
wustąpjic, bo nje nalož dlo se zrozemjenjô. Wuvo-
žol, że sparłëczy Pomorzanov. Nje rozmjoł też Ce-
novë, chteren pjerszi vskožol na jistną vörtosc Ka-
szebov i jech pozeceję na Pomorzim.

Tak to njeszczeslevë zakuńczenjé v próce sp.
Zegarskijgo wo Pomorskę samo za se movji, że
dziso ju bez Kaszebov njižodnô sprava pomorskô
rozvjazanô bec nji moze

Pomerania... non cantat

Na kšęgarskijch polëcach vjesteje so nowi ka-
szebskji pjesnjok pod zevjiszczem „K o p a S z ę t o-
p ó r k“ — J a n a P a t o c k a, nabotę patronatu Po-
morskji Szkołë Pesznich Vjętov v Gdinji — r. 1936

Pjesnjok v zdoim ruchnje, str. 95, form. 80, zeznji sę wod jinszech tim, jize sluzec mō leno vjadovim celom.

Vszechbot pjesnjoka woproc przedesłowjigo i słowniczka v. dr. Wl. Pniewskiego vēzeznaje: vstęp, 60 spjēvkov, pržēpjise i varjante melodijni. Podzēl jak i vsebot, wosoblevje pržēpjisov, znankuje głęboką vjedzē i vjadę autora v zopolim domocach spjēvov. Autor vskozeje jich pochodzenjē, rovjenjik i drogji, jakjima prževanožec mjałē z dalekji Polskji nad Bōlt, Posługujacē sę rovjesną metodą doszed do takji svjadē: „Kaszebskō domocō pjesnjiczka je le decht czekavim varjantem polskji domoci pjesnjiczki“ (str. 69) (!) To znaczy, że Pomerania cantat le decht polskji pjesnjiczki, czilze jednak — Pomerania non cantat!

Takō tezō nji moze wobstojec anji vētrzemac vjadovi kritikji. Autor bo zaboczeł czesto wo tim, że są pjesnjiczki, co sę narodzełē na Kaszebach i z nad Bōltu szlē do Polskji; njejedne z njich pozdze v spolasoni ju formie prževanoželē nazod nad Bōlt. Njejedna domocō pjesnjiczka polskō je le czekavim varjantem kaszebskji domoci pjesnjiczki. Do takjich noleži pjesnjiczka „Żeglarza“, bo ta muszela sę narodzec nad morzē, na co vskozeje dobetno vsebot tekstu i melodiji. Szkoda, że autor so tego nje doznaje.

Njespole wod tech kjile słov kritikji vjitajemē vszechbot dzela z całim naszym wuznanjim i wuvozanjim.

Aleksander Labuda.

Redakciijnō wodvjeda

Vszēdnim Czetińcom, a wosoblevje tim zacnim Kaszebm, co z deji dlo Kaszebskji dobetno vspomagaia „Zrzesz Kaszēbską“, selajemē na tim tu molu szczeri „Bog zapłac“. Dovode starov wo nasz czād-njik coroz vjęcij dostajemē, co wubetnjō v naji prō-e i nom je vskoza do prō-ē vētrvali.

V wuczbje czetanjō i pjisanjō vedle wuproszczoni pjisovnji prosimē Czetińcov wo blezsza vskoze, v czim leži trednosc. V „Zrzesze“ dejizna (wobjasnjenjē) całi pjisovnji molu zabjerabe za vjele, dlote możemē zamjeszczac leno vejimkji.

Do Varszavē. Slemē dzękę. Vēkorzestomē.

Gvjozdka z Gduńska

Znanē ju z łōnskijch vrzesnjikovech „Woźnii-vjinōv“ v Kartuzach, lezeńskji zespolē amatorskji wodegrało pod przewodę Kotłovskjigo v Lezenje v dregji svjeto God vidzavjisko kaszebskji ks. B. Sechtē „Gvjozdka z Gduńska“.

Wodegranjē vēpadło dobrze.

Pjēknō ta szteka granō ju v Vejherovje, Kartuzach, Pucku, Srakojcach, czādovi zdradło Kaszebskji deszē dovō Kaszebm sposobnotę do pržēzdrzenjē sę ze zdrzadni samim sobje, svoji pjēknē rodnē movje, zvekom, vjerzenjom, svi kulturze.

Rzecz dzeje sę v srakojkji parafji wu gbura Bojana przed vjolgą vojną, ve Gvjozdkę i pierszi svjeto God. Na spodlē snozi kaszebskji checzē przevivō sę kultura domocoznē v kjile aktach (4). Dobētņō je akcejō dramaticznō v 3 i 4 akce, gdzie na spodlē vjerzenjē ledu wo godajacim ve gvjozdkę bedle pržechodō do wucesznigo njeporozemjenjē.

Snozi to vjidzavjisko je vortnim nabetkjem kaszebskji pjismjenjē. Autor z vjolgą mjlōtą vskazejaci v vjidzavjisku na drogą po starkach spusceznę, kjejbe gromjistim na Kaszebm voło głosę, bē zavarcec do svońskoscē pokądk je czas. A je ju novezszi czas, kjej njimō jic v zaboczenjē vszetko co Kaszebskjē jel

„Gvjozdka“ jakno tvor z kaszebskji pocztō serca i ducha, dobetno pržēpomnji vszetkjm — chcēim kjej njechcēim wuznac — szczepovą kulturę Kaszebm, wodbijającą sę v pjēknych naj apartnych zvach, gvosnych vortoscach v tvorzenjim v rodnim jęzeku.

Wod Kaszebm novjiksza chwałę dlo autora pevno badze to, że tak rozmjōł podezdrzec naj žēcē, pjēkno do njē podińc, a przez to go tak po provdze i prosto woddac, że zdrzaci na no vjidzavjisko kjejbe na javje i wod nova prževivajā Gode. Zes woder-vani ju wod rodnē zemji, całā duszā prževivajā redosni szterkji snozigo dzieciństva v pjervotnim jesz rodnim dodomku.

Wod ks. Sechtē mjonę Kaszebskji zdajemē na dalszi brzod bogatigo a pjēknigo jego ducha. G.

ERRATA

V art. pod zevjiszczem „Herbe knjezov vze-njiczno-pomorskijch“ mō bec: „vzanjiczno“.

„Kaszebskji Pjesnjok“

Jana Trēpczika

do nabēcē v „Księgarnia Kaszubska“ — Kartuzy i „Księgarnia Gazety Kartuskiej“ v Kartuzach.

— — Cena 1 egz. — 1.50 zł. — —

Przez pocztę vēselo sę za nadesłanjim 1.75 zł.

Tłukjem „Zrzesz Kaszēbskō“ v Kartuzach